

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Brevicvlvs Selectarvm Qvaestionvm Regvlarivm

Bonagratia <von Habsheim>

Friburgi Brisgoiae, 1662

Irregvlaritas

[urn:nbn:de:bsz:31-160608](https://nbn-resolving.org/urn:nbn:de:bsz:31-160608)

IRREGVLARI-
TAS.

237. **I**rregularitas est *Im-
pedimentum Canoni-
cum, quo quis inha-
bilis est ad Ordines suscipi-
endos, vel susceptos exercen-
dos.* 238. quæ solo jure, eó-
que vniuersali tantum Pon-
tificio imponitur. 239. atq;
tum solū incurritur, quando
casus in jure expressus ac
specificè nominatus habe-
tur. 240. Effectus illius pri-
mus ac primarius est impe-
dimentum suscipiendi ac
exequen-

181 Irregularitas.

exequendi Sacramentū ordinis ex toto vel ex parte. 241. seu actus proprios ordinatis. 242. solenniter cum illis cæremonijs & vestibus, quæ illis ex officio & ordine competunt. 243. vti sunt sacramentaliter absoluerè à peccatis, ministrare ex officio aliquod Sacramentum, facere officium Hebdomadarij, dicere *Dominus vobiscum*, benedicere aquam, &c. 244. Ex hoc alius nascitur, & beneficium respicit ipsi ordini annexum; Irregularis enim sicut est inhabilis ad

Irregularitas. 183

ad ordines & eorum usum,
sic est & ad Beneficiū, quod
datur propter officium Cle-
ricale. Etsi verò mortaliter
peccet Irregularis utroque
casu, scilicet in ordine susci-
piendo vel administrando,
& in recipiendo Beneficiū,
validè tamen ambo facit.
245. etiā administrando Sa-
cramentum Pœnitentiæ, nisi
nominatim fuerit denuncia-
tus, cum quo pœnitens sci-
enter communicans ipse sibi
poneret obicem gratiæ. 246.
Irregularitas oritur ex dupli-
ci defectu, *inculpabili & cul-
pabili*

184 Irregularitas.

pabili seu delicto. Primi generis Irregularitas est ex defectu Sacramenti, seu *Bigamia*, eaque triplici. 1. *Vera*, cum quis plures simul aut successiuè habuit vxores. 2. *Interpretatiua*, cum duxit ab altero corruptam, si scit fuisse corruptam, aut id sit notorium. 3. *Similitudinaria*, si quis ordine sacro aut voto solenni Religionis adstrictus, cum aliqua licet virgine matrimonium etiam inualidè contrahit & consummat.

Secunda est ex defectu corporis,

por
giti
mar
2. C
ami
ped
gru
tabi
hor
neco
zta
liten
tion
Ser
cur
fun
T

Irregularitas. 185

poris, quo laborant. 1. Illegitimi, nisi per subsequens matrimoniū legitimetur. 2. Qui absque culpa propria amisit membrum, quod impedit vsum & exercitiū congruum ordinis, vel certè notabilem deformitatem aut horrorem gignit. 3. qui necdum attigère legitimam ætatem. 4. Infirmi, notabiliter deformes & ad executionem ordinis inhabiles. 5. Serui, obligati ad ratiocinia, curiales, vxorati, qui non sunt liberi.

Tertia est ex defectu ani-
ma

186 Irregularitas.

ma 1. sufficientis litteraturarum. 2. Iudicij.

247. Quarta est ex defectu perfecta leuitatis, quam incurrit, qui iam baptizatus hominem licitè deformat, hoc est, occidit aut mutilat aut propinquam causam ad id præstat, in casu tantum administrationis siue executionis Iustitiæ publicæ.

248. Non aliàs. 249. nisi in bello iusto offensiuo mutilent vel occidant, aut aliis in hac re propinquè coope-
rentur. Sunt enim & hi publicæ Iustitiæ Ministri. Secus
quando

Irregularitas. 187

quando dum aliqui occiduntur, tantum assistunt, aut eos citra deformitatem vulnerant vel exhortantur in bello iusto, milites, ut strenue se gerant, &c.

250. Secundum genus Irregularitatis provenit ex quintuplici delicto. Primum est; cum quis post baptismum viuum hominem illicitè & cum culpa mortali occidit aut mutilat, dando etiam ad id causam propinquam, ut consulendo, hortando, mandando, nisi antequam executioni detur, mandatum

mandatum reuocet. Si quis non intendat mortem, nec applicet causam de se efficacem ad mortem, sed potius excludat, & tamen aliquid faciat vel consulat, vnde sequatur mors, erit quidem homicida casualis, non tamen irregularis, quando in hoc nō peccauit mortaliter.

Delictum 2. est malè suscipere ordines in duplici casu. 1. si furtiuè ordinetur, hoc est, nec examinatus nec admissus, vel quando quis facit, vt alius examine- tur, & ipse loco illius & no- mine

mine
duran
non c
ordin
Del
furas
do vel
cuius
lenni
Del
mum,
tit se,
aut pl
quoad
suscip
Del
aut fac

Irregularitas. 189

mine suscipit ordines. 2. si durante matrimonio etiam non consummato præsumit ordines suscipere.

Delictum 3. est violare censure Ecclesiasticas celebrando vel exercendo actum alicuius ordinis proprium, solenniter & quasi ex officio.

Delictum 4. Iterare baptismum, quando quis permittit se, rebaptizari, vel ipse bis aut pluries baptizat, saltem quoad maiores ordines non suscipiendos.

Delictum 5. Infamia Iuris aut facti.

190 Irregularitas.

251. Irregularitas vniversim tollitur tribus modis: per *Baptismum*, *Professionē Religionis*, & per *Dispensationem*.

252. Aliquando etiam per se cessat, vt si evadat sanus, ætatis legitimæ &c. 253. *Baptismus* tollit omnem Irregularitatem præter eam, quæ ex Matrimonio provenit, ac defectibus etiam post baptismum remanentibus.

254. *Professio Religionis* eam solum tollit, quæ est ex defectu natalium quoad SS. ordines, non autem quoad
Præla-

Irregularitas. 191

Prelaturas & officia Ordinis.

255. In Irregularitatibus ordinario Iure solus Papa potest ac solet in his, quæ Iure humano contrahuntur, dispensare, in quibusdam tamen valdè rarò & non sine difficultate magna videlicet in irregularitate Bigamiæ, præsertim vere ac propriè dictæ, ex homicidio voluntario & illicito ac notorio, & in ea quæ est ex corporis defectu, si magna deformitas appareat & in populo Christiano generare possit scandalum, si talis ad alta-

G ris

192 *Irregularitas.*

ris ministerium admittatur.
256. Ex commissione ipso
jure factâ per Trid. dispensa-
re possunt Episcopi pro utro-
que foro, in omnibus Irre-
gularitatibus prouenienti-
bus ex delicto, necdum de-
ductis ad forum contentio-
sum (addunt graues aliqui
DD. etiam illam, quæ est
absque delicto, ex defectu
perfectæ lenitatis, aut nata-
lium, dummodo de adulte-
rio, incestu aut Regularibus
non fuerint procreati, quoad
aliquos ordines aut quoad
illorum vsum) excepto homi-
cidio

Irregularitas. 195

homicidio voluntario etiam occulto. 257. Homicidium tamen omninò occultum, ita quod nullis testibus comprobari, neque aliter quàm per propriam confessionem sciri potest, vel nullà inducere Irregularitatē, vel saltem non reservatam Papæ, sed ab Episcopo dispensabilem, probabilissimum est: quin etiam in homicidio occulto & probabili dispensare posse Episcopum urgente necessitate scandalì vel aliâ, ac recurso difficili ad Papam, ut ministret in

G 2 ordi-

194 Irregularitas.

ordinibus susceptis, magnā
habet probabilitatem.

258. Idipsum jure com-
muni erga suos possunt Præ-
lati Regulares maiores, uti
sunt Generalis & Prouincia-
lis. 259. Ex priuilegiis au-
tem dispensare possunt pro-
foro tam externo quàm in-
terno, cum subditis & non
subditis eiusdem tamen or-
dinis, quando ad eos decli-
nant, in omni Irregularita-
te, saltem non proueniente
ex Bigamia, mutilatione
membrorum, vel homicidio
voluntario.

260.

Irregularitas. 195

260. Respectu Sæcularium
gaudent in primis eâdem fa-
cultate quâ Episcopi, ita ut
quicquid jure communi po-
test Episcopus super Irregu-
laritatû dispensatione, pos-
sit & Confessarius Regula-
ris, dummodo super his non
fuerit sententia lata, quia
tunc requiritur dispensatio
solennis, quæ Regulari Con-
fessario non conceditur. *Vi-*
de V. Missio. Insuper proma-
teria tota V. Absolutio quoad
ad ff. n. 21. V. Dispensatio.
V. Occultum. V. Poena.

G3

IV